

Na osnovu člana 269. stav 1. tačka 5., a u vezi sa članom 310. Zakona o privrednim društvima ( „Službene novine F BiH“, broj: 23/99, 45/00, 2/02, 6/02, 29/03, 68/05, 91/07, 84/08, 88/08 i 7/09 ), člana 12. Zakona o javnim poduzećima ( „Službene novine F BiH“, broj: 8/05, 81/08 i 22/09 ), člana 9. Zakona o šumama ( „Službene novine SBK/KSB“, broj: 14/02 i 2/05), člana 8. Zakona o ministarskim, vladinim i drugim imenovanjima F BiH ( „Službene novine F BiH“, broj: 34/03 ), člana 18. i 22. Statuta Društva i Odluke Nadzornog odbora broj: 02-2356/10 od 10.05.2010. godine raspisuje se:

**PONOVNI  
JAVNI KONKURS/NATJEČAJ  
ZA IZBOR I IMENOVANJE DIREKTORA  
ŠGD „ŠUME SREDIŠNJE BOSNE“/ ŠPD „SREDNJOBOSANSKE ŠUME“  
D.O.O. DONJI VAKUF**

**I**

Objavljuje se javni konkurs/natječaj za izbor i imenovanje direktora ŠGD „Šume Središnje Bosne/ ŠPD „Srednjobosanske šume“ d.o.o. Donji Vakuf ( u daljnjem tekstu: Društvo ).

**II**

Opis pozicije za direktora:

Direktor ŠGD „Šume Središnje Bosne“/ŠPD „Srednjobosanske šume“ d.o.o. Donji Vakuf rukovodi procesom rada i poslovanja Društva, zastupa i predstavlja Društvo u unutarnjem i vanjskotrgovinskom prometu sukladno Zakonu o javnim poduzećima F BiH i Zakonu o privrednim društvima, predlaže strategiju i program razvoja i poslovnu politiku Društva, donosi pojedinačne akte sukladno Statutu.

Kandidat koji aplicira za direktora Društva mora ispunjavati slijedeće uslove:

**A) OPĆI USLOVI:**

1. da je stariji od 18 godina
2. da je državljanin Bosne i Hercegovine
3. da nije otpušten iz državne službe kao rezultat disciplinske mjere na bilo kojem nivou u BiH u periodu od tri godine prije dana objavljivanja javnog konkursa/natječaja
4. da nije pod optužnicom Međunarodnog suda za ratne zločine u bivšoj Jugoslaviji ( čl. IX tačka 1. Ustava BiH )
5. da nije osuđivan za krivično djelo ili privredni prestup nespojive sa dužnošću direktora Društva pet godina od dana pravosnažnosti presude, isključujući vrijeme zatvorske kazne, prije dana objavljivanja upražnjenje pozicije
6. da nije lice kojem je presudom suda zabranjeno obavljanje dužnosti direktora Društva
7. da ne postoji sukob interesa u smislu člana 14. Zakona o javnim poduzećima ( „Službene novine F BiH“, broj 8/05, 81/08 i 22/09 )
8. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima F BiH ( „Službene novine F BiH“, broj 12/03 )

9. da se protiv kandidata ne vodi krivični postupak
10. da nije član Nadzornog odbora u Društvu, niti da ima direktni ili indirektni finansijski interes u Društvu, odnosno da nije predsjednik ili član Nadzornog ili Upravnog odbora privrednih društava i institucija
11. da nije izabrani dužnosnik, nositelj izvršnih dužnosti ili savjetnik izabranim dužnosnicima i nosiocima izvršnih dužnosti u smislu Zakona o sukobu interesa u organima vlasti u F BiH ( „Službene novine F BiH“, broj 70/08 )
12. da na dan imenovanja nije stariji od 65 godina

## **B) POSEBNI USLOVI:**

1. da ima visoku stručnu spremu
2. najmanje pet godina radnog iskustva na rukovodećim poslovima nakon sticanja visoke stručne spreme
3. da ponudi program rada za mandatni period

Izabrani kandidat će biti dužan dostaviti ljekarsko uvjerenje o zdravstvenoj sposobnosti prije preuzimanja dužnosti direktora Društva.

## **III**

Za kandidate koji ispunjavaju uslove konkursa, u postupku konačnog izbora uzet će se u obzir i slijedeće:

- dužina radnog iskustva na poslovima iz djelatnosti preduzeća
- komunikativne i organizacijske sposobnosti
- nivo znanja o organizaciji i djelatnosti preduzeća
- sposobnost savjesnog i odgovornog obavljanja upražnjene funkcije
- sposobnost nepristrasnog donošenja odluka
- sposobnost upravljanja finansijskim i ljudskim resursima
- sklonost timskom radu
- rezultati rada tokom karijere

## **IV**

Uz prijavu kandidati su dužni priložiti dokaze o ispunjavanju propisanih uslova:

- kraću biografiju, adresu i kontakt telefon
- ovjerena kopija CIPS-ove lične karte
- ovjerenu fotokopiju dokaza o stručnoj spremi
- uvjerenje o državljanstvu ( izdaje nadležni matični ured )
- uvjerenje o nevođenju krivičnog postupka ( izdaje nadležni općinski sud i kantonalni sud )
- uvjerenje da nije osuđivan za krivično djelo ili privredni prestup koji predstavljaju smetnju za imenovanje na upražnjenu poziciju, u roku od pet ( 5 ) godina od dana izdržane, izvršene, zastarjele ili oproštene kazne ( izdaje nadležna policijska uprava i nadležni sud- odjeljenje za prekršaje )
- dokaz o radnom iskustvu na rukovodećim poslovima ( izdaje poslodavac )
- program rada za mandatni period
- ovjerenu izjavu kandidata da ispunjava uslove iz tačaka 3, 4, 6, 7, 8, 10 i 11 općih uslova

## V

Svi kandidati koji budu na listi užeg izbora bit će pozvani na intervju.

## VI

Izbor i imenovanje kandidata za direktora Društva izvršit će Nadzorni odbor društva većinom glasova, na osnovu provedenog javnog konkursa i uz saglasnost Vlade SBK/KSB.

## VII

Direktor Društva imenuje se na period od četiri godine i na istu funkciju ponovo može biti imenovan.

Kompletna dokumentacija koja se prilaže kao dokaz o ispunjavanju općih i posebnih uslova treba da bude originalna ili ovjerena kopija ne starija od tri mjeseca.

Prijave sa svom traženom dokumentacijom treba dostaviti lično ili preporučeno poštom na adresu: ŠGD „Šume Središnje Bosne“/ ŠPD „Srednjobosanske šume“ d.o.o. Donji Vakuf, ul. 770. Slavne brdske brigade 20, Donji Vakuf, sa naznakom: Prijava za javni konkurs ( direktor Društva )- ne otvarati.

Javni konkurs će biti objavljen u „Službenim novinama F BiH“, „Dnevnom avazu“ i „Dnevnom listu“ i ostaje otvoren 15 ( petnaest ) dana od dana objavljivanja u „Službenim novinama F BiH“.

Nepotpune i neblagovremene prijave neće se uzeti u razmatranje.